

簡

學

齋

詩

冊

簡學齋詩刪卷之一

蕪水陳 沈秋舫

望嶽

五峯天外鬱嶙峋，呼吸煙光逼紫宸。
訪古難追蒼水使，還山最憶白衣人。
飛泉雨後多奇響，老樹霜中有別春。
三日舟行隨向背，轉從望裏得全身。

雨後舟行

春江一雨嫩寒催，水上油雲撥不開。
忽被東風吹散盡，好山無數上船來。

夜泊草市

雨餘天易暮一棹指津亭
遠市沈孤角春潮汨亂
星頗嫌村酒薄微辨渚
蘭馨塞雁飛迴處扁舟
獨未停

古風

滔滔江漢水萬古流不止
嶽嶽灑衡山去天尺有
咫自從雅音亡屈宋前後
起懷抱日月心作成風
騷美後來襄陽叟一意追
正始大雅旣不作楚風
亦衰矣誰與志復古吾將
采蘭茝

文章本無始大道貴自然奈何恃小智物窮難
鑄聰明實自伐狗美亡其天朝權非不好徒爲一
時鮮大巧不斲削此中有真詮

丹山有文鳥雙集梧桐枝衆人詫羽毛此物見亦
希羣鴉得腐鼠笑汝何苦飢斥鷃搶枌榆問汝何
奮飛稻粱亦可飽枳棘亦可棲平生有薄尚肯爲
飢寒移

道旁有兔絲不可以爲衣中田有燕麥不可以療
飢萬物有實用虛名竟何爲白雲養空山冥冥無

端倪一朝雨天下遂使百穀滋

古柏四十圍根株養重壑蒼皮鬱輪囷勁節高卓
犖天風一爲吹雲際夏廣樂荷彼造化恩正直快
所託自非棟梁求無爲老匠斲

有鳥比翼飛東西求其巢一鳥止杏桷一鳥栖衡
茅升沈各異位隔絕舊日交偶然將雛出相見白
楊郊忘爲同聲好厭此邂逅遭此自斂翼歸彼自
凌風翱翔勸爾行自戢無爲弋人招

魯雲如走馬秦雲如行人韓雲如匹布周雲如重

輪世路有百變人心生邱墳當面若膠漆背地成
越秦君子持正大險戲復何云

蛇牀亂靡蕪杜衡亂細辛耳目有輕重相似乃混
真宋人寶燕石楚人懷賤珉若無中郎聽誰識爨
下薪鷓鴣耀九苞山雞非其倫騏驥輕千里駑馬
不足珍

病中聞雁

西風吹雁聲先入旅人聽落葉生晚涼高齋臥殘
病閉門三十日獨得秋氣靜

秋聲

一曲清商奏未終，忽驚秋氣滿虛空。
江聲日夜催蘆雁，客夢關山亂草蟲。
翻憶去年吹帽日，獨歸南國破帆風。
新愁舊恨知何限，併入疏窗細雨中。

湖南懷古四首

堂堂賈太傅，痛哭浮湘來。
投書弔屈子，異世同悲哀。
懷前知七國，變豈曰非奇。
才方期遇合，遠所嗟年命。
乖名高造物，忌氣盛羣愚。
猜愛才若孝，文命薄良可哀。
我來拜祠宇，寂寞楚江隈。

吾愛龐士元名與臥龍埒本非百里才酣酒詎爲
劣小才必自揚大器如不屑驥足固未展安問疏
與拙感激而馳驅鳳毛忽摧折我行過鄉縣允矣
懷前哲徒負一日長誰知王伯策

長源好大言行藏兩無缺假託神仙名救時心孔
切白衣何從容首建中興策處人骨肉閒此事豈
易說謀國諸葛忠保身子房哲歸從赤松遊不掩
匡定烈我欲問奇書何處先賢宅

我讀西涯詩頎然見其人當時與劉謝同作顧命

臣嗟彼兩君子一朝辭帝闈先生義不去安危係
其身身留奸謀絀身去正士傾勢孤心愈密氣激
禍乃成羅玘固無識安能測孤誠

舟暮

征程細數沍寒初到眼風光晝不如一水亂流斜
照外數山高出遠天餘偶然落槩驚飛雁何處荒
街喚賣魚待取江閒明月上清歌無酒轉愁予

舟行

水驛程無定新寒力尙微雁隨雙槩下山帶一批

飛橋袖經霜熟蘆兼得雨肥漁歌行處有太息旅
情非

白魚岐浮圖

西山易氏所建辛酉
落成時嘗徵詩於余

突兀中流蓋影圓
凌空冉冉割蒼煙
高秋鶴鶴窺人語
白日蛟鼉抱佛眠
到此湖湘分兩界
微聞梵磬落諸天
回頭細數題名日
勝迹飄零又幾年

磊石

中流突湧一峯圓
蘆荻聲邊偶繫船
山勢與湖爭片地
水光含日倒長天
將軍舊壘浮雲變

岳侯擒揚公於

此勝國神鐘破壁懸
蒼茫晚寺起寒煙

上有建文二年鐘

憑弔興衰無限恨

岳陽樓

第一樓頭小洞庭
水光雲影畫冥冥
幾人憂樂關天下
終古東南坼地形
積霧遠沈三戶白
驚波高浴九疑青
呼童且買君山酒
醉臥闌干一客星

醉後復得一律

醉中天地白眼入
混茫間一氣浮
三楚重湖陷百蠻
帆痕煙外立雁影
日邊還杜孟題詩
後高情不

可攀

赤壁

浩浩長流去不回阿瞞於此挫雄才一江戰伐三分國千古功名幾劫灰華月紛紛烏鵲斷去帆葉葉暮鴻催斜陽半壁煙中紫輪與漁翁作釣臺

泊寶塔洲

十里荒洲冷似冰去年此地繫舟曾遠煙浮水白如鏡殘日入雲紅有稜雁影蕭條投短荻魚聲撥刺上寒簷榜人閒坐談風色暮北朝南未可憑

哭某孝廉

風雨江鄉滯早春傳來惡耗劇傷神百年涕淚酬
知己南國鶯花失此人離別可憐成短夢死生無
累只孤身無子舊詩此日重披諷忍使長埋壁上塵
遲友不至

春城雨不歇獨客懶銜杯二月寒如此桃花都未
開似聞溪水長不見故人來靜坐日無事空階生
綠苔

復園欲游嶽麓屢爲雨阻詩以調之

靈麓峯前我舊游，題詩到處姓名留。
分明綠樹煙中寺，卻隔青莎水上洲。
積雨累君三月住，名山消得幾生修。
望衡儘有雲開日，須待昌黎好句酬。

醴陵坡弔蔡忠烈公

流賊來二王，走孤城一丸。
付與誰總兵，不守推官守。
推官好男兒，年纔二十九。
寶刀手中提，紛紛落賊首。
總兵導賊入城，賊衆亦識推官名。
勸公勿死，公不聽。侃侃罵賊，雷霆聲。
股可斷，胸可裂。睢陽齒常山，舌丹心化作十丈雲。
血灑長江，血尙熱。惟

公殉國不顧身惟役殉公有九人義烈猶聞凌國
俊忠風不化尹先民長沙自昔稱邊壘能扞牧圉
復有幾李潭州劉御史與公三人而已矣

綠陰野屋雜詩爲復園作

君如嶺上雲我如風中絮閒雲不離山飛絮無定
路卻被好風吹吹入雲深處行藏兩無心一朝託
肺腑

昨來渡瀉江村路行躑躅朦朧山前月照見山後
屋幽人此高歌深夜門戶綠喜極忘周旋一闕入

深竹

弟家玉橋西兄家玉橋東相去不一里竹樹交蒙
龍東家巢燕白西家巢燕紅燕燕出相值鳴聲兩
雛雛

朝來山雨過衆綠紛蒙茸炊煙不出戶白雲走相
從不知何澗水響落屋角松驚起老鶴飛飛入冥
冥中

南溪若操琴北溪若鳴環戀此門前流宛轉不出
山水清石益瘦朗然照我顏夜來東窗臥夢落清

冷閒

山中無早暮鳥嘯春晝長卻行野田上翠毯鋪新
秧習此眠食閒愧彼耕種忙有田不歸去舊宅今
已荒

雪後登楚王臺逢舊相識

一片青天不動埃蒼茫惟見楚王臺我攜短笛獨
懷古坐對寒山誰舉杯千里外人無意遇十年前
事上心來正愁發興清無偶且共穿雲探野梅

探梅

爲尋山上梅踏向雪中去微覺有香來不知開幾
樹

寒夜作

風搖修竹巔清韻動高館開門忽無聲傾耳聽已
遠凍雲止不流積雪皓在眼獨見古人心空山清
氣滿

詠梅

未受東皇雨露恩早將春色到荒園半山雲淨鶴
歸樹連日雪消人閉門清極渾忘寒有夢坐中真

覺淡無言始知桃李羞顏色仗爾消除白玉樽

劉生曲有贈

一劍關身世千金託友生本來持大義翻自得狂
名定遠偶投筆終軍還請纓豈如樊噲輩空與酒
徒爭

舉世輕交道斯人獨至情綈袍贈范叔擊筑歌荆
卿柳下春招飲花閒夜解醒翻令投轄者不敢負
豪名

與友人夜話

與子同清夜，依坐小亭。月明山帶霧，煙定水容
星薄。醉梅如夢深，談鶴似聽他年。嗟索處憶此一
燈青。

正月二十四日得愚谷先生武昌書感賦卻
寄

荒江風雪中千里一書至，拜展雙魚緘。讀罷心欲
醉，知我亟相思。告我度歲事貧居，無奢望作計亦
良易。問我堂上人，載言加飧食。曷我千載心，明德
以相遺。置之懷袖中，寶此金玉字。

矜矜我先祖清芬被一鄉淪逝忽六載潛德懼不
彰欲求知言士貞石表幽光付託苟非人私言豈
能長先生畜道德學爲古文章况與先子好往來

田氏堂

先大父授經于蘄州
田氏數與先生過從

兩家有節母同時各

芬芳

大父幼孤會祖母氏
守節與先生同遇

交游忝三世舊德言之

詳撫茲太邛碑感愧曷可忘

蒙寄撰先
大父墓表

中夜起披衣將書反覆讀字勢清且適知公腕力
足別來三月餘著書當幾束行年過六十爲學恐
不速豈惟天性高要知內無欲莫春春水長來過

江上屋

洞庭舟中望君山

九派湘江水春來貫洞庭
浪搖天地白山積古今
青靜想茶煙颺虛傳竹淚零
風前三弄笛何處覓
湘靈

獨夜

獨夜眠難著蒼茫逼戍亭
客愁多似水漁火大如星
市小更無定春寒酒易醒
劇憐沙際雁鴉軋不能甯

三月晦日舟泊武昌先寄奉愚谷先生

飛絮飛花泊水濱到來猶及豔陽辰
雙流一氣奔江夏片雨孤帆送暮春
今日預須謀夜飲此行何以壯風塵
祇愁遠駕多歧路要與先生一問津

汝甯早行

曉日當關白鈴聲已在途水趨淮北
大山過汝南無古驛花遲發荒年草
半枯高陽迷故里攬轡一
踟躕

送徐南墅歸蘄水

白日忽秋色燕山黃葉飛不堪爲客日獨此送君
歸短榻留殘夢車聲動夕暉長途寒未已珍重檢
征衣

我家蘭溪尾君家蘭溪頭水性本來合行人殊未
休去隨鴻雁影歸及菊花秋憶否天涯客思家獨
倚樓

祭蘄水義園感賦

園在白塔寺東妙乘菴側
自辛酉大水後冢盡沒今

秋七月望日余以豚酒祭之於棗樹下尋得
一小碑僅存官門先母王氏男濟民九字考
濟民會官主簿其于劍叟不知何屬爰出薄
金屬守園李姓者高其冢云時同祭者徐海

門蔡曉沙

兩孝廉

迢迢白塔寺秋氣橫蒼煙中有故鄉人潛靈幾何
年生飲蘄陽水死葬燕山阡去家日以遠邛壠日
以遷上爲酸棗林下爲枯麥田萬鬼同一廬幽魂
逼飢寒今也汝誰後昔也汝誰先貞石旣漫滅遺
跡何茫然當時營壙人今亦姓字湮忝爲同里親
見此心內酸聊將一豚酒敬念桑梓緣

黃蒿長没人一碑斷如日數字聊可辨題曰官氏
母汝族有大賢其名爲劍叟清風被一鄉令德難

爲後我昔拜遺阡零落殘僧守青山本無名附託
長不朽劍叟晚爲僧于黃岡山中卒卽葬焉戊辰春余親謁其墓母也汝何人
生爲大家婦徒留一片石懿行湮已久感此意茫
茫誰者爲上壽

丁花農孝廉將歸湖南過寓話別不覺申旦
賦此贈行

秋風落造野斜日下燕臺是我憶家日送君歸去
來君言有老母念子心內摧富貴安足道尸糞良
可懷余亦愧行役爲君賦南陔

號蟲咽殘燈寒帷月在棟更盡語亦稀對面忽如
夢征馬伏櫪鳴車聲隔牆動寒雞促行人那忍更
相送去去無多言風霜自珍重

男
堉葉名禮
廷經編校

簡學齋詩刪卷之二

蘄水陳 沆秋舫

雨夜過蔡清夫寓齋縱談達旦紀之以詩

與子共風雨平生何所思各抱異鄉感况懷千歲
期君家有大隱積學爲人師讀易折其中義補先
天遺

清夫先人沙江先生著有讀易折中學者稱大隱先生

一從滄桑後舊

學無人窺我昔過鄉縣青山如見之爾其志復古
清芬方在茲

吾邑隱君子獨愛徐嶺松詩書自怡悅處困如不

窮家無一日糧，盜若春在胸，爾能從之游，奉養無

初終，尊師匪爲名，獨得正學宗。

嶺松先生經明行修，清夫從學十年。

事之如父。

疏食且不飽，苦念他人饑。緼袍且不煖，常恐人無衣。撫躬增慚愧，此意豈不癡。常懷利物想，積此區區私。設有尺寸階，空言竟安施。

士如在，閨女官如治。家婦女德不能貞，婦道終必苟。至哉天地性，爾我無異受。時俗習波靡，吾黨慎。負清泉與白石，鄉里抑何厚。他日約此隣，千秋

以爲偶

送徐海門歸蘄水

我識君歸意高堂白髮新
况今逢歉歲甯許作游人
菽水團圞話琴書落拓身
自慚行役久能不念衰親

題陳惟允畫東野遊子吟圖

誰云寸草報春暉
苦費慈親手製衣
願拓此圖千萬本
喚將遊子一時歸

記得登車倚夕暉
高堂含淚檢征衣
而今衣敝秋

風裏向自長安不憶歸

秋望有寄

客裏秋逾健披衣上古臺夕陽林表滅飛雨雁邊來
舊事悲王浚高風緬郭隗無窮身世感寄意白雲隈

送家韻石出宰武甯

南山一片雲五色聚日旁金枝與玉葉粲若鸞鳳翔
偶被天風吹吹飛廬山陽地位雖有異嘉蔭在一方
三日釀霖雨油然灑江鄉大德能潤物豈曰

非禎祥羨君年二十染筆書天閭一朝尹赤縣桓
桓佩銅章慈雲覆百里郁郁民所望

作吏如作牧聞諸夫子云鞭策誰不施要使牛羊

馴

家君宰湖湘有循聲嘗著牧民說

俗吏未聞道其治猶絲棼小

人有曲直三歲不得伸胥役若狼虎索錢官不聞
願君愛百姓接洽如家人豈許奴僕輩虐我子弟
親待君政成時草木嬉陽春

洪州風月窩遺俗淳且美雲中五老人潑眼青如
洗官賢日多暇游豫民亦喜愛山如愛民還足資

自是詩言冊 卷之二 三
治理人歸風中絃吏汲堂下水側聞陶彭澤種秫
有遐軌時復飲醇醪和神洽百里倘寄廬山篇相
思終無已

九日賈東愚師招集萬柳堂

萬柳深深古佛堂此閒風物似江鄉閣邊短塔搖
秋水林表孤鴻送夕陽歌舞尙傳廉相圃畫圖空
對己公房壁閒有訥公遺像覃
溪芸臺兩先生題贊驚心令節逢重九
笑摘茱萸入佩囊

三客官閒笑語陪門生扶杖共登臺雲歸草閣遙

山失風捲蘆林急雨來補柳三春留妙墨

春初諸名士於

此補柳朱野雲作圖

拈花一笑醉深杯中峰載酒成陳迹迢

遞鄉關首重回

去年九日陪愚谷先生宴集太白中峰

題黃在軒清泛園雅集第二圖

無事不得一日閒塵容怕見城頭山高齋十日飽
看畫連夜夢落清冷閒名園近在城南曲游人裙
屐日不足黃君好事過髯蘓勝侶重將舊游續王
宰畫筆何淋漓圖成酒氣猶滿幅

圖出王子卿手

紅桃白

藕三伏前沈沈夏木六幕圓靜極翻喜聞鳴蟬座

客滿堂思悄然那知赤日當空懸楊柳風吹桑柘
煙遠水靜聽如鳴絃送來好酒瓜皮船詠觴極似
蘭亭年樓閣倒影浮前川不覺已到斜陽天如此
園林如此客自恨不得聯吟肩竭來江亭共傾倒
當筵潑墨成畫稿九月八日同人集飲陶然亭
在軒卽席作江亭雅集圖青
山容有再來緣祇恐圖中人易老

長歌贈王魯之

與君同在長安住半載相知不相遇與君同出長
安城握手一笑如平生君方落拓雕裘敝我亦蕭

條不得志素衣入洛素衣還回頭幸免紅塵累行
過幽州又趙州風吹滹沱水倒流馬上時聞拔劍
舞歌成與我驅窮愁袖中况有如椽筆舊稿新編
高突兀浩氣生吞灩澦波靈心巧斲峨眉骨昨者
天子西巡方垂簾試士鳳蹕旁王褒拜獻凌雲賦
副以奏御三千章君王愛才不卽用要留大器充
明堂卽今歸去青城道燕山楚水皆詩草况有子
由解唱酬令弟小雲同舉孝廉一雙玉樹臨風皎勸君莫學
馬相如枉作當年封禪書勸君莫學揚大夫失身

投閣非真儒自來文章有本末此去淨埽梅花廬
邯鄲城頭天欲雪正是相逢又惜別呼來趙姬倚
瑟歌有酒不飲如君何人生難得惟知己揮手忽
然成萬里君家江頭我江尾兩心落落如此水

盧生祠戲題二絕句

一枕黃粱夢是真誰能悟到去來因紛紛夢幻無
時覺畢竟先生是醒人

夢想三山更五湖新從世外得真吾生來不是封
侯相便過邯鄲夢也無

憫旱

去年兩湖旱流民困遷徙臘前見三白我農色然
喜占曰大有年誰知竟不爾五月至六月乾風日
如燬大田圻龜兆白日逢魃鬼豈無少沾濡不救
田禾死譬如人病羸一藥那遽起官府罄玉幣奔
走修禳祀人神意徬徨莫測造物理夜中起占星
河漢清且瀾天田不盈畝灌溉安用此散爲雨滂
沱何止潤千里沈沈洞庭湖下有老龍子龍子睡
未醒習懶不行水安能提龍耳一雨不可止

弔屈左徒

一掬靈均淚沅湘不盡流水仙朝踏月山鬼夜鳴
秋卜肯從詹尹言難結蹇修西風吹木葉日莫使
人愁

娥眉遭嫉妒遺恨滿三閭窈窕君思我嬋媛女詈
子自憐初服美誰使舊交疏悃欸心如石彭咸誓
所居

愁生江北渚望斷國東門此度誰能改相思未敢
言九歌存變雅千古泣沈寃瘦骨瑩如玉

本揚蛟子

龍不敢吞

天遠何須問魂歸或有知紛紛荃蕙服翼翼鳳皇
旂往日真堪惜回風祇自悲至今小兒女流涕拜
神祠

九日西城登高

如此風光不是家登臨獨自憶天涯一千里外人
如寄重九尊前菊又花湖水白搖飛雨過荻林紅
颭夕陽斜醉中滿插茱萸帽遮莫狂吟笑孟嘉

觀錢璞齋三廳圖稿題後

先生家世任錢塘忠孝遙傳武肅王千載華封沈
鐵券廿年薄宦滯瀟湘功名落拓翻成累五十棄
官等閒事錯被人呼老畫師江山筆墨供游戲竭
來爲客洞庭邊盡捲湖光到壁閒閒把三廳圖示
我卷中剩有戰場煙憶昔苗民負深阻壺頭關外
夕烽舉傅侯健者功最多七縱七擒兼勦撫 今
皇午夜盼紅旗露布馳歸雨洗師手詔傅侯圖險
隘要令疆界一華夷先生時在蓮花幕大筆淋漓
欣有託匹馬行看化外天關山粉本胸中拓歸來

意匠劇經營，犵鳥獐花各寫生。亥豕溪從雲外落，
辰龍塞倚日邊明。往時峒口飛鳶匿，此日康莊環
井邑。半壁南天奉聖朝，聚米搏沙無此筆。圖成飛
奏五雲間，天子親披屨。頷顏階下野苗觀，舞羽
殿前春宴賀。平蠻傅侯好士甘，如肉欲把姓名題。
薦牘先生恥以畫，千人橐筆還歸江上屋。祇今頭
白已成翁，妙墨難醫八口窮。閒寫甘蕉聽夜雨，偶
描落葉弔秋風。自作蕉窗夜雨落
葉歸根二圖極佳傅侯死後窮轉
劇尋常那肯留真迹，舊稿封題不忍看。曾是平原

門下客

白蓮花

濯濯天姿水一方，秋風吹送滿湖涼。
煙波淼淼花如夢，露夜亭亭月有香。
偏向淤泥完素質，不施粉黛儼明妝。
清吟一洗塵中眼，採得瓊英孰寄將。

九日同劍峯黃穀原秦芝庭平耕年黃鶴樓登高

三載不登黃鶴樓，到來洗盡古今愁。
江聲亂捲千流雨，雁影孤飛一笛秋。
青草尙留鸚鵡恨，碧山長

憶鳳皇儔似聞下界閒兒女說是羣仙在上頭
自從崔顥題詩後冷落江山七百年剩有登臨如
此客無端會合豈非天夕陽影裏留僧話黃葉聲
中到酒船世事總如雲變幻何論富貴與神仙

讀寸心樓詩題贈顧劍峯

忽然春風扇陽和忽然朔雪生慄慄忽然白雨互
陰寒忽然青天行杲日萬變都從筆頭出世間那
有如此筆唐之李太白宋之蘇東坡併兩才人窮
探力索不到處劍峰居士乃能一筆挽起萬古不

竭滔滔波古人拘拘繩墨守劍峰詩膽大如斗天
難爲巧地不奇一氣驅將日月走有時心細如游
絲春雲一縷出岫時少焉變幻無端倪卷之舒之
靡不宜江城落葉山滿屋把君詩向秋林讀恍如
坐我匡廬峰吸取屏風九面綠恍如載我南海船
手抱明星波底浴恍如醉我洞庭酒水仙歌罷山
鬼哭讀君詩爲君吟君有源頭我替尋非仙亦非
鬼非古亦非今從來傳真不傳僞區區恃此亦不
能寒火不能燹一片詩中心賤子爲詩頗不少南

披衡雲北海島興來氣欲吞庾鮑今見先生行若
遺精神飛出入極表眼中但有天之青高視翻嫌
五岳小又聞劍峰劍入神一條紫氣長繞身何時
爲我同旋舞劍耶詩耶兩莫分

題藏詩鳴贈芝庭

貴人門前趨若驚劍峰先生去不顧卻被秦耶一
紙書武昌留作三年住秦耶愛古兼愛才意氣結
爲黃金臺藏得新詩五千首供以美酒三百杯鳴
中佳客能幾許太白香山坐兩廡東坡以外更無

人末座應須我來補高秋九月天雨霜紅蘭紫桂
同一香先生弟子索句忙擲筆迸作星辰光君不
見北地詩龕成宿草題襟館亦秋雲埽珍重藏詩
隴裏人朱顏似比臙脂好

十一月初六日南行是夜旅次聽雨有懷藏
詩隴諸子

客懷潦倒爛銜杯布被難溫火易灰山市濛濛吹
雨過故人一一上心來荒雞破曉聲猶澀旅雁衝
寒影自猜幾度夢尋歸去路五更風大卻吹回

次夜復雨寄懷劍峯

苦憶詩人顧愷之文章風節兩堪師
新交乍別偏無夢我輩多情轉似癡
村酒酌來如水薄客愁生處有燈知
不堪一樣蕭蕭雨分作人間兩地思

興中作

擁被孤眠夢不平荒街夜半有雞聲
僕夫錯認月將曉行過一程天未明

到永定作

千里趨庭歲莫時官梅喜放兩三枝
老親知我耽

吟咏纔下車來便索詩

行過千村米價昂堪嗟十室九空倉如何此地民
無恙雞犬都如歲不荒

答友

此去二千里風霜半月過路隨征雁遠詩比亂山
多歲儉諳窮味天寒縱酒魔君家梅樹下得句更
如何

觀劍峯舞劍

誰能說詩如說劍空空妙手龍蛇變誰能使劍如

使筆上决下麾風雨疾劍峰五十猶健兒詩心劍
氣雙突兀高堂肅肅疑寒冬起舞腰閒雙白虹精
神躍出天地外座客迥如身在空劍乎劍乎爾旣
不能騰身躍馬隨飛將指揮絕塞功名壯又不能
班蘭五色登明堂變化奸佞爲忠良徒然淬鏑風
塵裏肝膽照人星氣紫何不斂性歸名山莫使世
上驚龍泉

正月六日芝庭邀飲梅竹山房獲讀劍鋒祈
雪詩酒閒風雪大作詩以志喜

一冬無雪到新年，忽喜飛花上綺筵。
瘠土正愁春乏食，詩人真有力迴天。
畫圖白現千山影，燈火青圍半郭煙。
今夜大軍須破賊，奇功莫讓蔡州傳。

計偕北上留別藏詩塢諸君子

草色青邊天地春，烽煙剛息馬頭塵。
明知薄歲艱行役，願取微名慰老親。
出處豈關飢溺命，窮愁敢愛別離身。
卻看昨日銜杯處，黃鶴雲中解送人。

雲出山時更戀山，功名情重友朋慳。
大癡筆奪江

天秀

穀原

小隱詩同水石間

兩溟自號
鶴山小隱

爲訪名花成

雅集招來好月照清顏翩翩最有佳公子傾倒才

人四座閒

芝庭

虎頭清絕不沾埃

劍峯

訪舊重攜短杖來老去漸增

山水興詩中生鑄古今才
依人計拙千金賤
庇土心長萬厦開
投我新詩五百字
真成一字一玫瑰
驪歌唱徹笛中聲
黃鶴天邊送我行
快雪乍消江水漫
春風如助客裝輕
辭家始戀團圞樂
入世初嘗冷暖情
看遍洛陽花似錦
可知還憶武昌城

車發漢口

啟行天忽放清和暢好江山緩緩過黃鶴送人天
上去白雲回首日邊多辭家意逐雙輪轉贈別詩
須一騎馱恰喜同車兩吟伴

家弟芝楨鑿同
年關月生發奎前途

花柳待徵歌

九里關

九里關連三里城關門高倚夕陽明地形險更逢
荒歲人語輕猶帶楚聲雲裏白飛雙澗落馬頭青
擁萬峰行欣看隴上鋤新麥河北於今不用兵

見僕輩瘞路旁屍感而有作

瘞土倉忙見性真免教皮肉溷沙塵僕夫也解仁
枯骨慚愧車中攬轡人

憶桃

紅闌干畔小桃枝別後盈盈繞夢思算到看花寒
食節難忘酌酒去年時潤無多露澆宜早開不當
風謝亦遲知否行人呼負負渡頭緩唱惜春詞

爲芝楣題蕉窗問字圖

圖爲其亡室
張采芝作

門戶支持事太忙肯將瑣屑累高堂怪他玉立纖
纖體并日琴書兩不妨

一卷唐詩細與論詩中離別幾銷魂

好讀唐詩遇別離之什在

往流涕吟諷芝楣知其非壽徵

紅窗掩映芭蕉綠半是嗟痕半墨

痕

那怪潘郎欲問天重提舊恨六年前

芝楣前室樊氏卒于戊辰

何堪薤露傷心曲斷到鴛鴦第二絃

雨雨風風可奈何空牀獨自淚成河

芝楣有恨淚成河小印

可知地下相思淚還比人間十倍多

愁腸難遣是慈親繞膝伶俜祇一身憐汝者番行

役苦高堂勸飯更無人

話到知心倍愴神傷春人又去尋春縱教奪得芙蓉鏡先失憐才對影人

畫裏傳神大是難依然問字影珊珊殘脂剩墨都憔悴不獨芭蕉不忍看

輓許秋巖先生

艱難正要濟時才柱石如公那便摧剛乞歸休臣力盡乞休不許特蒙問病御醫來前數日蒙遣太醫診視學能

自信翻成達心到無欺不受猜遺疏丁甯殘漏斷未忘報國有餘哀

早聞風節冠綱曹宣力人爭望雨膏絕不矜張觀
事定全無倚傍立身高大名徼外懸銅鼓遺愛江
南拜節旄感激馳驅三十載北山從不告賢勞

臯夔不必有詩名卽以詩論亦正聲氣得江山心
轉細胸無城府筆俱清破書十乘行裝重

見公黔
行日記

華髮千絲宦興輕太息風流如逝水招魂宋玉不
勝情

黃州香火訂前因私淑韓門愧負薪識面記從江
上驛將詩傳遍幕中賓空餘涕淚酬知己轉爲朝

廷惜此人他日西州城外過公琴松柏最傷神

翁覃溪先生重赴瓊林讌賀詩

周甲重逢賜宴榮天將夫子重科名三春補摘瓊

林豔

壬申賜宴在九月

一榜爭扶洛社英佳壻探花爲座

主

謂王蓮府宗伯

上公執爵半門生

曹儷笙相國文遠臬侍郎

卿雲五

色當筵見瑞麥同時奏太平

時河南獻瑞麥

書繙俎豆憶前緣

御酒天開八秩筵特與詞林

增典故果然科第有神仙題名記寫梁公後潤色

詩成鄭伯先薄植未容陪盛讌霓裳竊和大羅篇

男
婿葉廷經
名禮編校

簡學齋詩刪卷之三

斬水陳 沆秋舫

葉雲素師移居虎坊橋長歌志賀

虎坊橋西人塞塗來看農部移新居農部先生古
之儒三十爲郎今白鬚研山安榻十載餘

舊寓後孫公園

研山齋

官貧不能償屋租一枝未許鶯將雛韓城有

宅城南隅舊莊恰好謀新畬

新居爲先生座主韓城相國舊第

古

苔三尺手自鋤左桃右竹密復疏斗室曠如天地
初奇石巧琢山骨癭凍雲無根青不枯月窺窗紙

煙覆廬清夢不減郎官湖人言先生一錢無誰知
其富兼京都不見移家先移書琳瑯壓倒雙輪車
馬馱不足繼以驢背負篋笥長鬚奴前街後街行
貫魚衆星移舍連斗樞八萬卷過秀水朱甲乙丙
丁無差殊屋三十間堂室廚人與書各分區區先
生有德德不孤古今事如髮在梳心細足償書中
逋長年家無隔日儲不改其樂水與蔬獨抱一編
坐啜晤午熱不廢丹黃塗天憐先生誦讀劬苦井

悉浦清涼珠

宅有子午泉二
時水極清冽

取之一瓢煎茗鑪鶴

來聽茶步廊虛小，
啜已足清風徐。
我問奇字朝提壺，
升堂頗愧韓門徒。
惟有一事窮相如，
長歌當作移家圖。
日下舊聞或補諸。

送陸秀三歸臯蘭

相見已恨晚，送君可奈何。
中年催白髮，秀三甫四十而白髮

生六月上黃河，
老友頻揮淚。謂劉芙初佳人解勸歌，攜妾

同歸客游吾亦倦，歸計獨蹉跎。

六月十四日夜起坐月中，
有懷劉芙初太史。
夜長眠不得，孤坐有餘清。
老樹疑雲壓，流螢背月

行涼知秋欲到憶覺夢難成苦念平生友嬋媛識
此情

思君若明月宛在禁城偏對景忽如夢彈琴知未
眠獨居千想併歸計兩心懸時君亦將假歸切切蟲當戶
繁聲我亦憐

立秋日送劉莘農歸天門

人海偏慳見面緣乍相逢處是離筵槐花細雨思
鄉夢菽菜秋風送客天士不容狂歸亦得人雖有
三兒猶憐蕭條行李輕如葉早晚關山緩著鞭

天竺山人王魯之

懷會辛未與君同應召試

與君才筆兩欽

寄三年蜀道迷消息

辛未冬予與魯之別於襄陽

六月燕山感

別離秋氣銷除惟有酒竟陵死後豈無詩歸帆倘
過天門縣孟浩亭邊與子期

爲鮑春齋

正言

題聽烏圖

冷月墮紙雲模糊老樹蔽蔽孝子廬中有八九反
哺烏鳴聲啞啞尾畢逋孝子聽之涕沾裾烏猶有
母人則無長夜不旦傷哉孤鴻鵠游入極鳳皇凌
紫虛羽毛雖云好不及將母雛小人有母六十餘

卻來乞米長安居嗟哉倚閭心還若襁抱初秋風
勸歸人白雲懷舊都還君此圖回我車可以人不
如鳥乎

觀蓮節奉恩將軍於近春園置酒爲其師葉
東卿作生日池中適得連理花亦奇徵也東
卿屬爲賦之

近春園在熙春左園裏蓮開十萬朵近天花亦有
仙心風捲香雲紅似火將軍旣貴尙親師日日花
間從學詩佳辰恰值觀蓮節親爲先生洗壽卮先

生家世水心後初日天然去塵垢錦舌生成的齠
蓮文心大似玲瓏藕自從移榻上林旁說經巧抉
雲漢章朝朝吸取花上露咳唾不是人間香花逢
生日花更好開筵水閣涼風嫋坐來花更比人長
身在花中花氣繞酒酣笑捲碧筒杯忽有嘉荷連
理開似識玉人陪丈席特教珠蓋湧重臺將軍持
杯再拜賀難得駢華如此大一枝先放相公陂千
葉宛承菩薩座師弟同心非偶然花如君子人如
仙明年記取傳花宴舊曲重翻相府蓮

讀陶雲汀侍御皇華集卽題入蜀出蜀二圖

後

自從杜甫入蜀後無人敢賦入蜀詩近代漁洋亦
作者蠶尾一集其庶幾江山文字因緣好天假詩
人更搜討手持絳節日邊來收拾煙雲歸草藁別
有千秋感喟生英雄割據事難平蛙聲恨滿公孫
井鳥陣秋盤葛亮營使者才高巫峽水登臨到處
悲風起獨將量才一片心量取江山一萬里門下
况有兩王郎

懷曾懷孟伯仲
庚午同舉於鄉

十九二十能文章祇

今歸向圖中卧欲徃從之巫峽長

芙初請假出都余與賀耦庚編修謝心蘭孝
廉爲酒餞之席閒得詩二首時同座者歐陽
坦齋侍御何仙槎司業唐竟海李雙圃兩檢
討廖韻樓秋部易午亭農部共十人

幾度思鄉與願違偏從客裏送君歸風吹易水蕭
蕭冷雁到吳江緩緩飛奈與黃花添別淚懸知白
髮盼征衣故園此日饒風味橙子香中蟹正肥

十人同話別離筵消瘦如君我亦憐作宦身同貧

在客多情老與病爲緣獨歸泰伯城邊路難遣重
陽酒後天明歲北來須及早淮南休賦小山篇

古詩答唐竟海

十歲游長沙中閒往來頻居久與之化遂成湖湘
人南中多奇士謬託平生親聞君未識面懷意故
未申今秋長安邸訪君雨後晨蕭然坐花下童僕
如在春一言出肺腑歡若舊日嫺君家老太守治
功滿江濬爲政不迫切官暇民亦馴餘事及風雅
題宋道再振洞庭清無底出入日月身君詩有家

法羽毛借鳳麟豈惟文章美立心抑何純與人赴
急難談笑傾千囷種樹須種松飲酒須飲醇買佩
須買玉結交須結真此道今不講當面成越秦區
區有微尙願言卜德鄰不見連理花並開如有神
竟海寓齋有連理文杏
一株因以駢杏名其堂

說醫一首贈張陟莽孝廉

翹聞人

君是醫中良請爲君說醫元氣是大藥草木何能
爲民病有萬種可以一理推內傷與外感寬猛慎
所施治內如治民調和使之宜治外如治盜一發

病若遺養正邪自息在防不在追拙工好速效去
疾惟恐遲祇知癥結解那顧神明虧往往攻小售
因之成大衰亦有針與礦乘閒或用奇一用不再
用妙以參苓隨倉公旣不作脈法無人窺君老猶
好學觀書析毫釐熟精五診方心手自得師我幼
不慎食病乃發于脾投以一囊藥霍然如不知微
聞江淮間磬磬鴻雁飢荒年必兼疫何以起瘡痍
安得君萬手活我幼與耆

重陽寓齋遣病

一年佳節與秋宜算到重陽欲暮時爲怕登山生
遠恨轉教閉戶索新詩疏窗紙薄風常聚老樹聲
多雨不知見說東家叢菊好可能相餉一枝枝

展重陽日偕心蘭至鏡海寓齋觀所藏七星
劍飯後同過趙象莽中翰家看菊而歸鏡海

屬作歌

天到重陽天亦醉不風不雨蕭森氣出門無地可
爲歡且就唐君問花事唐君座上客常滿殷勤更
酌屠蘇瓊酒酣捧出匣中龍三尺寒芒先到眼七

星閃閃秋更明陽剛陰柔配合精霜空電影倘一

掣斗柄轉向東南行佩劍者誰號無敵曾入海島

殺海賊

劍有血迹云某都司會攜以入海殺賊

手提毒蛟擲向天劍

花淋漓海氣白時清海宴劍不雄卻伴史筆同雍

容英鋒雖斂猛性在赤血噴作腰間虹我請爲君

一起舞酒腸拂拂怒芒吐平生意氣如山高祇合

低頭共劍語回旋舞罷蒼茫歌劍乎劍乎奈汝何

不如且看東鄰菊花香醉影雙婆娑

古風一首贈魏默深卽題北道集後

直木無卑枝清漪無雜鱗君今甫二十出語如有
神灑然風雨氣傾倒萬斛塵古風日蕪穢大道成
迷津各抱媵媵性何以稱詩人遂如緇與素漸染
漸失真賤子不量力頽翮思一振區區自怡悅安
計笑且嗔把君北道集懷抱生古春流離浩滿眼
憑車發哀呻惜哉徒爲爾不救民苦辛今當與子
別行矣各愛身所期浮鷲盡遠與澹泊鄰

范進士今雨

澍

謁選入都余於友人席間見

之聽其言知其非常人也明旦枉過出紙索

詩輒賦一篇送之作宰

端揆責宰相建言責御史此外親民官莫如宰百里君今徵我詩聽我說臧否近來稱吏才奔走而已矣長官有使令百計求一喜小民有曲直三年不得理官府日以疲吏胥日以侈中乏惻怛心優容甚榜捶中原及江淮兵荒積如燬九重日夜憂民病殊未起安得百好官力挽風俗靡好官如豐年緩急民所恃昨日樽酒邊與君結交始所言明且清知君不貪鄙便當出作宰幸保初服美一

縣如一身元氣頂到趾中間稍隔闕壯健終必死
誰令雀與鴟善養皆赤子民之愛刀劍不如愛耒
耜流離易爲恩無患盜不止我言是涕淚區區盡
于此他日治行成來觀桑中雉

九月三十日唐鏡海置酒駢杏堂爲余與坦
齋侍御餞別同座者何仙槎賀耦庚李雙圃
易午亭魏默深默深有詩余亦繼作

鳳皇愛野鶴將作比翼看一朝鶴飛去鳳意慘不
歡我今不樂長安陌歲暮奈何猶作客唐侯爲我

倒金尊一曲離歌聽不得招來座上無雜賓天涯
聚首猶比隣祭酒何公不辭飲說詩魏叔如有神
就中狂客賀季真既笑又怒旁無人霜氣沈沈星
在戶空林落葉風中語祇覺尊前天地寬那知世
上別離苦回頭笑指歐陽生如我去住浮雲輕君
是賢御史彈奏有直聲去年河朔甫罷兵吳楚况
又飢荒并撫綏正要公等在奈何相從下玉京歐
陽不語頽然醉燭影婆娑如夢寐天邊鴻雁不知
寒萬里關河從此逝

董小槎先生以長歌見贈賦此奉酬

我與先生弟子李生雙好爲說先生身有道李生
愛我忘我醜更向先生譽文藻從此往來攜素琴
清酒與之同酌斟泠泠秋水洗我心照影不知身
淺深十歲歌詩滿南國今爲壯夫猶篆刻南斗北
斗垂天筆欲往取之愁無力先生靜者真我師猥
以大雅相磨治清晨窗閒一鳥過翩然投我七字
詩詩如龍蛇到眼掣玉河翻空古水泄是日苦寒
天作雪讀之元氣蒼然熱從此洗卻衣邊塵歸去

南山巢白雲待我三年下帷後再持樽酒來問君
十月十五夜復聚駢杏堂聽鏡海彈琴

我有萬里想借君指上彈一彈別離苦再彈行路
難月出天地白城高星斗寒漠然相對處悲樂兩
無端

馬上雜詩

故人揮手別倏忽十二時相思日復夜展轉夢見
之夢見在何處忽非我所思既醒語未了寒衾半
然疑夙昔歡樂意念之令人悲

燕趙有狂俗賤男而貴女十三十五時逼令學歌
舞豈無幽蘭姿風吹身無主調笑馬上郎呢呢恩
怨語客言琵琶歡我識琵琶苦絃絕無續時何不
買機杵

行過趙北門曠然無一山天地嫌偏仄蕩之爲中
原古來名王地戰鬪不得閒何時禮樂壞積此戎
馬患殺機雖云已猛俗終未閑賢哉渤海守治盜
乃以寬

伯禹忽已死天地病一河隄防日以密橫潰日以

有聲言冊 夕二八三
二
多天下無餘財河流無盡波治水先治地地疏水
亦和井田廢已久大智其如何

北風吹日夜蕭蕭天地寒驅車渡黃河大冰高于
山太行白慘慘我馬立不前一身凍餓并吁嗟行
路難獨有一丈夫冰心而玉顏口吟陽春曲出入
白雪閒

襄城遇雪

一夜襄城白蒼茫只有天曉來山下路吹斷幾家
煙樹古鴉爭立冰高馬不前渾忘行道苦處處說

豐年

南陽懷古

遙知雪覆草廬深
龍卧遺蹤不可尋
遇合縱教失
魚水風流原自照
山林鞠躬盡瘁出師表
抱膝長歌梁父吟
漢魏之間論出處
鹿門以外少同心

孟廟

夕陽殘雪古城墟
下馬來瞻夫子廬
戰國之中
儒者春秋而後七篇書
蒼松浩浩扶元氣
翠嶂巖巖見廣居
仁義到今成梗塞
不知憂憫又何如

男廷經編校
婿葉名禮

簡學齋詩刪卷之四

蘄水陳 沆秋舫

奉陪宋梅生觀察登岳陽樓和作

畫裏風光我舊游，重陪星騎小勾留。
日邊帆去雁橫水，湖外雪消山滿樓。
戰伐銷磨雙釣艇，神仙去住一浮漚。
使君憂樂關天下，莫負題詩在上頭。

古詩送梅生觀察之蒼梧任

天子愛百姓，太守共治之。
太守賢且能，擢之在監司。
監司與太守，大小相維持。
公昔守蜀郡，治兼父

與師洞然忘乎已勸懲兩不欺樂哉嘉州人望公
如有私循聲入 天聽福星今南移願公治蒼梧
一如治蜀時

方今封疆吏首稱蔣公賢所引皆俊傑薦章密不
傳大僚與小吏穆若琴安絃粵人樂無事但耕海
上田公今仗節去萬里來旬宣我知蔣公心與公
無閒然大賢官同方但期意氣捐父兄心如一受
福子弟先先憂而後樂念哉岳陽篇

公岳陽樓詩
有過客敢先

天下樂
之句

乙亥六月應蘭臺觀察之召攜舍弟讀書燕

支山賦詩二章呈幕中諸君子

茲山溷城市幽性故依然路借紅闌曲門迎綠竹
偏肯容高士臥

劍峯先在幕中

深愛主人賢我亦航奇者

來觀幕府蓮

捨卻洞庭水翻然爲此遊隨身幾兩屐入世一浮
漚久病成吾懶新詩與弟謀祇愁舊漁父嘲笑出
羣鷗

余鐵香述那釋堂少保平滑始末屬爲詩以

紀之

余郎新自軍中至酒酣起談滅滑事當時論功誰
最高督師那公眞賢豪滑縣之城斗大耳鼠輩猖
狂敢至此 帝怒北師太遷延爲將還求將門子
西師奉 詔來如風索倫吉林兩翼從白日下照
營當中兵氣結爲蛇與龍第一奇兵破道口萬馬
踏河河倒走犄角失勢城孤懸賊衆尙能十日守
將軍令從地底傳霹靂出地火亂旋城門著火飛
上天一城螻蟻化赤煙賊帥潛軍走司塞我師窮

追奪其隘不然遁入太行山一出入翻成害自
從十月始用兵越四十日滑縣平余郎是時從軍
行抵掌言之氣縱橫况說將軍不好武才人往往
登幕府一曲饒歌手親補少保工詞催詩還擊轅門鼓
送鐵香之保定卽題軍中詩後

東吳顧子

劍峯

爲我說江右余生亦人傑昨日衆中

見一人長揖不語知是君疑君前世與我好不然
傾倒何其神武昌城中十日雨燕支山畔清無暑
愛君留作長夜談大星下照藏詩鳴夜深吹火煮

濁醪談鋒得酒各自豪一往一來山月高百蟲草
底伏不號君昨從軍向河北書生意氣奇無敵歸
來攜得一卷詩紙上風雲可憐色卽今去上黃金
臺毒日爍體成赤埃吁嗟奔走胡爲哉風塵乃有
如此才送君祇覺情無奈把君詩向牀頭拜吾輩
咫尺不相憐後來茫茫更誰愛秋風轉眼生江湖
鴻雁北來好寄書莫忘有人在菰蘆

反乞巧詞

孟秋七之夕雙星渡河時中庭設巧果各各有所

祈我貧一無供再拜前致詞臣今但乞拙無用多
巧爲使臣巧于言翻翻若甘飴黑白一覆手廉跖
而貪夷何如守其默泯然無是非使臣巧于貌刻
畫其鬚眉下心媚權要外柔中險巖何如守其樸
闇然無妍媸使臣巧于文雕鏤五色絲求悅衆耳
目問心甘自欺何如守其質怛然無成虧臣拙天
所賦漸爲世俗移今欲復性始左右幸教之願神
塞巧戶勿徇兒女私民物還太古耕食織以衣混
沌足元氣邪僞其安施

赤壁

玉局仙舟不可尋
秋來吾輩復登臨
孤峯尙藉文章力
百謫難遷水月心
載酒嬉游如夢幻
投戈事業總銷沈
解衣枕石一長嘯
江上清風無古今

焦琴齋觀察命兩公子陪游西山長歌志謝
我家西山下未攝西山巔
眼前好景不挂目
卻思凌轆五嶽煙
秋來清興劇如許
東指黃州色飛舞
相攜顧況是詩人
恰有焦先爲地主
桂花時節酒盈舟
公子雙雙伴我游
水搖山色過江北
突兀向

人青兩眸山外見山不見樹飛泉倒瀉煙際路入
山見樹不見山古寺卻落雲中閒老僧留我煮白
酒紅葉蕭蕭杯在手笑聲宛作靈鐘清捲入半空
山亂吼回頭指點吳王宮寒谿嗚咽斜陽中仲謀
霸業安足問且聽高閣松閒風渡江呼取兩黃鶴
茲游樂比東坡樂安得盡如賢使君使我踏遍名
山無束縛

松風閣小飲

山谷道人去不還題名高閣此追攀松風肅肅諸

天外石澗泠泠返照閒
遷客偶然留片石
霸才何足重
青山江魚白酒蕭條醉我比閒雲
心更閒

半山亭望武昌大江

醉影怱怱拜佛幢
下山已聽暮鐘撞
閒憑曲磴當松半坐見輕帆與雁雙
百里蒼煙浮遠塔
孤城落日背寒江
英雄勝概銷磨盡
滿眼風波一釣艖

晚步至安國寺

東坡湯沐處
初地尙氤氳
塔影搖寒日
鐘聲墮白雲
水田干樹合
僧佛一牀分
歸路餘禪悅
花香靜

有聞

一路聞
木樨香

郡城晚望

登高天易暮野色正蒼然樹隱千家綠江圍半郭
圓秋雲依古寺落日見歸船望裏吾家在青山斷
續邊

寄題汪均之荔枝圖

福建怡山寺有荔枝二株
唐時物也均之屬王春

波作圖自題荔枝香詞郵寄武昌
遍索同人題詠劍峯爲代徵余詩

生平不識鮮荔枝如何強作荔枝詩色香忽從紙
上出王郎作畫汪生題驪山舊曲世罕有妙筆重

與翻新詞怡山老樹唐時種可惜當年無此貢玉
環倘是閩越生秋實應勞千驛送天待才人勝美
人絳衣留作仙齋供閩中一騎到楚中四千里外
傳詩筒高秋肺渴不可耐如以玉液澆吾胸若較
君謨卅二品此荔合號汪家紅

與劍峯夜話

老屋在山半涼宵風滿亭斷煙依密樹殘雨墮流
螢病久詩還健談清酒易醒君看池上鶴佇立似
來聽

秋夜待友

靜裏心俱斂，開軒獨寤歌。
空山星氣滿，落葉露聲多。
曳杖驚巢雀，挑燈笑撲蛾。
素心期不至，如此夜涼何。

過歸義驛追感彭玉吾師

欲問元亭隔暮煙，下車瞻望淚潛然。
文逢得意偏成孽，養到忘機竟損年。
遺恨未終慈母養，傳書猶賴後人賢。
大招欲賦愁無筆，徒使神傷汨水前。

君山二如廟

十二峯如髻倒垂雙雙帝女肅靈祠門開遙對蒼
梧樹春到自生斑竹枝爲雨爲風終古恨是山是
水到今疑岳陽太守能修祀珍重黃陵再泐碑

汪太

守注重刻黃陵廟碑于寺內

崇勝寺

午鐘聲落碧雲邊行過南峯別有天三面山圍僧
榻靜一湖水抱佛樓圓客尋橘樹煙中井門泊梅
花雪裏船

時梅花次開

飽啖祇園新迸笋年來吾亦愛

逃禪

車中感興

傷心前度著征鞭
飢雁紛紛哭馬前
祇道補瘡無近策
何期蘇命有豐年
槐陰綠暗千村雨
麥浪青浮萬隴煙
滿眼太平安樂景
撫摩還望長官賢

題唐竟海萬卷書屋圖

先聖去我遠存者獨其言
餘子遞相述積義何止
千有書不能讀大道其茫然
唐侯平生志恥爲造物
頑束髮受萬卷一心與貫穿
門館草木靜琴瑟
左右安十年長安住歲月如深山

官何命曰學使者當知之使者不自喜乘軒意猶
疑自從士氣壞遂令民俗衰不見始生子言動從
其師長大各成立初教終不移以此悟風化一倡
千士隨勿種桃與李桃李耀一時何山無梗楠培
覆任君爲

飲芙蓉初寓齋賦得殘菊

開過西風落帽晨寒齋耐得久相親淡而不厭高
人性病亦無妨隱士身酒後餘香猶可醉雪中老

圃未全貧凋殘尙有芳菲意不比凡花委路塵

汪均之寓齋聽彈塞上鴻闕

莽莽雲垂天昏昏月照暮悠悠意如往肅肅情如
赴依依懷古歡戢戢抱新慕囂然若共語切切勞
人訴悄然若孤游惺惺志士懼因君指上彈遂造
無人戍睠茲微族情遙感漢秦故曲罷夜天高寒
星下庭樹

同人宴集均之寓齋卽席作

歲暮偏多感朋來且盡歡風霜門外急笑語坐中

寬黃菊淡能久青松高易寒去家知己遠惜此會
團圓

送汪均之

春來子又去貽我以窮居意感別離外身輕憂患
餘寒花催進酒落日看登車寂寞江湖裏能無寄
尺書

曉渡清河口

霜滿征鞍月在西夢回村落亂鳴雞地連大澤龍
天入黃河草木低堪歎水鄉多棄土可憐民

命在危隄愧無攬轡澄清志多事晨風快馬蹏

寄呈阮芸臺先生

公昔爲韓歐文章見根柢呼喻天下才氣若大海
水公今爲周名一心振綱紀海大氣漸平夷然江
河理我雖不見公竊爲蒼生喜恭承遠惠問何用
答音旨獻詩不敢諛知公薄浮靡

蔣笙陔前輩桂山秋曉圖

使粵不受千金裝攜歸粵山四壁張粵山之奇不
可想無依無援破空上就中獨秀一峯尊千萬煙

雲爲供養使者論山如論文意取獨出空匹羣使
者愛山如愛士搜羅有盡心無已畫圖指點秋思
深門下呂君知此心

送王霞九前輩典試福建

官程迢遞指仙霞文字因緣又拜嘉一歲再持冰

玉鑑四年兩泛斗牛槎

丙子廣西典試
本年禮闈分校

書繙越絕

蓮爲炬秋到聞山桂已花我爲得人先志喜肯徒
風味荔支夸

東市雜李一傳薪學到寒泉始是真莫爲公門植

桃李要扶正路闢荆榛條冰朗月清相映劍氣星
光合有神安穩歸帆過蒼雲起居親奉太夫人

擬于

浙江道次迎
太夫人入都

金烈婦詩爲朝鮮使權敦仁作

東海使者權大夫深衣幅巾美髭鬚朝罷三日三
過余主客問荅皆手書書言有妹身殉義執筆欲
下淚溼裙妹生遠嫁清風里琴和瑟好翁姑喜誰
知鏡影忽中分痛哭麻衣甘一死翁姑未許死亦
難家人晝夜圍團團大節要觀干折後百防爭及

一心堅沉憂所結智慧出奇行獨以從容全我愛
大夫忠且惠乃其妹者烈又賢大夫東歸莫悽惻
當官慎爾太史職國於天地有與立不有君子其
能國生死無虧清白心海天萬里慰相憶

送林少穆夫子典試雲南

吸盡西江舊有名天教史筆重文衡纔陪桃李三
春宴又假旌旗萬里行先出使星同禁署最多秋
月是昆明漢家司馬空持節那及熙朝主試榮
瑣闥冰鑑受恩深畫菜因緣入夢吟如我談經蒙

擊節

沅閩中經義
尤蒙擊賞

幾人挾瑟待知音蠻山瘴水多

奇氣愛

國憐才祇一心屈指歸來梅雪裏壓鞍

文字壯星鐔

九月十六日程鶴樵方伯鄭東里廉訪查芸

圃都轉盧西津費新橋葉芷汀三觀察招游

粵秀山有作

排日清游醉碧醪此間縱目極蕭騷炎方風日秋
猶熱霸國山川氣亦豪孤寺鐘聲留客久四圍樹
色出城高海波不動江光定我識羣公慮更勞

番禺令汪孟棠攜酒追餞于珠江賦此爲別
番禺有賢侯官貧不言貧人皆苦煩劇往往得閒
身我行亦已遠追餞珠江濬雖云一杯酒其中含
至仁今 皇愛百姓求吏必於循勿言此官卑官
卑與民親儒者志澤物尺寸皆陽春努力敬司牧
別離何足論

題潘同年煥龍四梅花屋圖

吾鄉有奇士性情妙于仙萬花不在眼獨與梅有
緣手種四株樹樹樹皆華妍偶然山月到清影墮

嬋娟詩人當此時徘徊思渺然兩心結深契人花
俱不眠我欲訪佳景開樽待何年

送程玉樵典試廣東

去年名重五經房今日輅車指粵鄉四十平頭拜
恩寵 九重親口贊文章秋程水驛兼山驛海
國珠光是月光我有靈奇搜未遍憑君收拾入詩
囊

立秋後一日送董小槎前輩南歸

十載官不遷一身貧如洗此事自偶然順受斯已

矣胡爲天不仁以病病君子前年患肺癰今歲患
心痞勢如遘羣小攻擊無定指客居不可長浩然
戒行李一夜秋風吹吹送潞河水病身不病德無
爲歎衰否歸去黃山雲中有文公里昕夕見先賢
道洽百事喜先生信得朋其如索居此相知滿長
安多爲意氣使離別何足悲悲從好修起他日有
疑行執問誰者是相留苦無計相望曷有已瓣香
祝起居崇德集嘉祉

七夕雨

入秋七日不出屋屋雷隱隱蛟龍懸若過三日雨
不止直恐我屋浮上天愁雲一氣與地匿衆星黑
似沈深淵人言今夕會牛女行潦毋乃憂迤邐銀
漢倒流河梁圻海客漂汨無來船黃姑怒烏鵲烏
鵲拍翅何連顛便驅烏鵲百萬盡入水此橋那能
一夕填星期有程不可誤雨足何苦愁相纏我勸
天孫回雲駢慎莫渡河河欲穿珍重玉體萬萬年
誰家女兒瓜果虔不乞雨止乞星圓吁嗟此意癡
可憐

送關月生

發奎

出山海關

三年客裏不曾離我昨南歸汝淚垂今我北來剛
一月又逢送汝出關時

春草春花滿帝城可堪仗策事孤征燕臺已覺
離家遠况隔燕臺十五程

鴨綠江頭花覆煙時平壯士罷屯田若非潦倒書
生筆那得輕看塞外天

敵琴偏覓賞音難從此秋心孰與彈妬殺出關詩
句好下車先與陸生看

時陸彥若在桂
香巖學使幕中

程雲芬前輩花燭詞

我知潘岳意纏綿獨住蓬壺過一年奈有慈親依
日下可無佳婦拜堂前鳳鸞聲苦因求助羔雁春
多竟得仙好與詞林添故事今宵花燭撒金蓮
相公心事極憐才親與嬋媽結鳳媒西母吉占歸
妹卦北堂喜動合歡杯新妝彩筆攜春殿小閣官
梅上鏡臺從此雞鳴知有戒早朝不用漏壺催

男
婿葉廷經
名澧編校